



Inatsisartunut ilaasortaq Saxdorph Didriksen
Inatsisartut
/MAANI

INDGÅET

22 APR. 2014

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
BOX 1060 - 3900 NUUK

Qaleralinniarnissamut akuersissutit pillugit § 37 naapertorlugu apeqqummut nr. 2014-087-imut akissut

04-04-2014
Suliap normua. 2014-098305
Upp. normua 1540410

Inatsisartut suleriaasianni § 37, imm. 1 naapertorlugu qaleralinniarnissamut akuersis-
sutinik tunisaqarsimasut aalisartuusimasullu inuussutissarsiutinik allanik periarfissaqar-
nersut pillugit Naalakkersuisunut apeqquteqarputit. Apeqqu uannut akisassanngorlugu
innersuussutigineqarpoq.

Postboks 269
3900 Nuuk
Oqarasuaat (+299) 34 50 00
Fax: (+299) 34 63 55
E-mail: apnn@nanoq.gl
www.naalakkersuisut.gl

Apeqqut:

1. Aalisartut 32-it qaleralinniarluni akuersissutiminnik nalilinnik tunisisimasut paa-
sinarsipput. Taakku inuussutissarsiutissaminnut sunut allanut neqeroorfigineqar-
pat?
2. Taakku 32-it qaleralinnut akuersissutaaruttut pujortuleeraat inuttaat ilanngullugit
qassiuppat?
3. Pujortuleeqqani inuttatut qaleralinnut akuersissutaaruttuni inuttatut aningaasar-
siaqartuunikut sunut inuutissarsiutinut innersuunneqarpat?

Akissut:

1)-imut

Sinerissap qanittuani aalisartut meterit arfinillit sinnerlugit angissusilimmik angallataatillit
2012-imi pisassaminnik ataasiakkaarlutik tuniniaasinnaangormatali angallatit akuersis-
sutaatillit 34-t pisassaminnik tunisaqarnissaq aalajangersimavaat. Pisassaminnik tunisi-
sut kingusinnerusukkut qaleralinniaqqissinnaangillat, tassa aalisartut allat pisassaannik
pisiaqarsimangikkunik. Pisassanik tunisaqarsimagaanni umiatsiaaqqamit qaleralinniar-
nissamut akuersissummik pissarsisoqarsinnaangilaq. Saarullinniarnissamullu akuersis-
summik qinnuteqarnissamut periarfissaqartuaannarpoq. Akuersissutaatillit allamik sulif-
feqarnissamik allatulluunniit inuussutissarsiuteqarnissamik neqeroorfigineqartarnerannut
tunngatillugu kommunit ataasiakkaat tassaapput innuttaminnut taamalu inunntu ataasi-
akkaanut suliffissaqartitsiniartussat.

2)-mut

Akuersissutaatillit 34-t aalisarunnaarsimasut tamarmik aalisariuteqarput. Tassa aalisa-
riutit katillugit 34-t. Angallatini sineriammut qanittumi qaleralinniartuni inuttaasut qassiu-
nersut pillugit Aalisarnermut, Piniarnermut Nunalerinermullu Naalakkersuisoqarfik paa-
sissutissaateqanngilaq.

3)-mut

Innuttaasut ataasiakkaat suliffissaqartinniarlugit suliart kommunit isumagisarpaat. Kom-
munit ataasiakkaat suliffissaqartitsiniarnerannut imaluunniit suliassaqarfimmik suliniute-
qarnerannut Aalisarnermut, Piniarnermut Nunalerinermullu Naalakkersuisutut

akulerussinnaangilanga. Aammattaaq uanga naalakkersuisoqarfilluunniit – qulaani oqaatigineqartutut – paasissutissaateqanngilagut kikkut inuillu qassit angallatini sineriammut qanittumi qaleralinniarnissamut akuersissutiminnik tunisaqarsimasuni inuttaasimanersut pillugit.

Inussiarnersumik ilassinnillunga

Finn Karlsen